

## » ¿Ng'é xranchi tsachangi ni?

Rugunda tsuchina'u chujni nch'e xra' INE ku chujni chasen chaan thi noó chrokjwa tsjóo wa'jna na wand'ée ng'é xranchi tsunduwá waya ndiya jwachigon.

Ni'xinnchi, thi chujni tsuchina na ku tsjóo wa'jna na ya chrokjwa tsichee na ng'é xru tsutoón nth'iya, ya chujni tsits'e á tsitjaxin keén thi kjóo na ku yanchi tsitjaxin thi jwatet'uan.

## » ¿Sá tsachangi'e ni chujni?

Nch'on 2 sáthexin 21, nithjú julio, nánó 2022 ya chrokjwa tsuchina'u chujni. Nth'i tsits'e sá ku tén noó tsuen <https://ine.mx/actores-politicos/candidaturas-indigenas-consulta/>

## » ¿Ng'é tjingon ni tsuen í tsachangi ni?

Tjingon ni keén chujni wand'ée jngu jngu chasen chaan chrokjwa tsuchina na ku tsat'e na, ndá rúru na ng'é xranchi xraxron na, yanchi thi INE chrokjwa sinch'e jnguji jwanduwá tsjingijna chaxín tsun'ue ni ke thi chujni tsichee wand'éeixin acción afirmativa indígena chaxín tsutoon na nth'iyée thi chasen chaan thi noó tset'uan na.

**INEnáa chaxin tjidhe wa ti'yen  
ng'é ru ná ku nch'echina ná.**

**¡Chrakwi tuchina!**

S'oxín tsachangixin, chrakon'an  
na ku tsuru'nga chujni ku keén  
gaá chasen chaan wand'ée  
tsuchuxin na ng'e xranchi tsuéen  
ya ndá chrokwa tsichee chujni  
chasen ya tsaye' na xra' ixin  
tset'uan na niso sinch'e na xra'  
nunth'e ni

Thi Consejo General del Instituto Nacional Electoral (INE) sinch'e jngu jwatjachangi ngax'en jngu jngu chasen chaan, yanchi keén chujni chasen ya tsundáru na ng'e xraxron na wand'ée keén gaá xroón rugunda thi partido político náa j'u niso úchu nch'e xra' ya tsun'ue ni chaxín tsíkji na autoadscripción calificada thi chujni tjingon tsichee na ya sinch'e na jnguji xra' xranchi tet'uan xroón acción afirmativa wand'ée Proceso Electoral Federal 2023-2024.

### » ¿Thi acción afirmativa ng'é ya?

Ya na tsjé thi rugunda sinch'e ni ya tsunduwá thi jwachigon síin wa tsjé chujni tangí tikon, tuniá'we na ku tsitjaxin'ya jwanduwée, xra chujni chaan.

### » ¿Ng'é xranchi tunda?

Thi nánó 2018, thi INE s'oxín ndáru tsuéen jngu acción afirmativa wand'ée chujni chaan ixin chrokwa tsichee na ts'una na diputado federal, yanchi wet'uen na thi partido político tsíkje na chujni chaan tsaye' xra' ya, masi ngax'en 13 distrito electoral; ndá thi nánó 2021, ndá guwaya 21 distrito ku naa candidatura ngax'en xroón thi nó tsíkjixin na chujni chaan.

### » ¿Ng'é rúru thi autoadscripción calificada?

Thi artículo 2º wand'ee jwatet'uen ni ndáru ke nch'on xraxron ni ng'é xru j'eni chujni chaan –**autoadscripción**- ya nditun rugunda táan tsun'ue ni ng'é xru rugunda tsitegon jwatet'uan wand'ée chasen chaan.

Ndá wand'ée thi tsichee ng'é xru tset'uan thi Sala Superior del Tribunal Electoral del Poder Judicial de la Federación ndáru nditun rugunda ke keén partido político chaxín tsudáru ke thi chujni tjingon tsaye' xra' ya ritse'o jngu chasen chaan xra ndáru ritse; xra' i ya ndá t'in **autoadscripción calificada**.

### » ¿Ng'é ya thi s'oxín tsachangixin, chrakon'an na ku tsuru'nga chujni?

Keén chujni jngu jngu chasen chaan chunda na jwanduwa ya chrokjwa sinch'e na xra' ku tsjoo wa'jna na ng'é chrokjwa, ng'é chrokjwa'ya wand'ée jwarichun na. Yatin, thi sen' yaa xra' rugunda sinch'e n'ue na jína ku tsajonxin na jwachaxin í chrokjwa ndáru na ng'é xraxron na wand'ée jnguji jwachigon ku ng'é xranchi tsunduwá, sátejá táan ndá tsang'é niso ndá tsuen.

### » ¿Ng'é thi tsachangi ni?

Tsachangi ni ng'é sinch'e ni ku ng'é xranchi sinch'e ni ya tsun'ue ni chaxin tsitjaxin ti autoadscripción calificada, thi i ndá rúru, ng'é xranchi tsun'ue ni ke thi ng'e xru tjingon ts'una candidato na chaxin ritse'o jngu chasen chaan thi nó jwixin ku thi tjingon tsutoón nd'iya.

### » ¿Ng'é xru tsachangi'e ni?

Tsachangi'e ni thi chujni chaan theju nunthe Síthjuwá, jngu jngu chujni tsachangi'e ni, wand'éexin thi sen' yaa xra', thi sen' toón nth'iya ku ni'xin thi nchia nch'exin na xra' chujni chaan.